

Tüflischi Bauerei

Di alti Bank im Städtli obe
Verschandelt ganz de Goldig Bode.
Wär sie vo Weihrauch nöd so vole
Wör sie glaub de Tüfel hole!

De Dürr hät jetzt e Hütte baut
Zom Glück isch d'Stadt jo scho versaut
Und drom erlaubt mer so-n-en Chnole,
Obwohl dä chönnt de Tüfel hole!

Tüfels-Handlanger

Jetzt tüemer's alli au scho schnalle
Das KVG da chasch nöd zahle!
Und d'Dreifuess, üse Bundesbole
Die tört wäg mir de Tüfel hole!

Häsch gseh im Blatt de nackti Maa
Da hät no drum kei Hemp meh aa,
Will's da müend de Reklame zolle,
Das isch scho zom de Tüfel hole!

Zum Cool-Man ha-n-i letschi gseit,
I hetti lieber After eight
Do meint de Steiner eifach fuul
Das miech sogär de Tüfel cool!

Wäg däre Hillibilly Techno-Party
Dört im Bild grad näbem Marty
Hend's bis Sirmach scho e Wolle:
Dä Lärm isch zom de Tüfel hole!

Die söll de Tüfel hole

librächer sueched Wyl gärn hei
Trotz de neue Stadt-Polizei
Au Brille wärded jetzt no gschtole
Das isch doch scho zom Tüfel hole!

Verbrächer müend hüt chum meh büesse
Und d'Anwält tüend das jo begrüesse.
I glaube drum, dass denn z'letscht emole
Die alli wird de Tüfel hole!

De Stapo hät zwee Ghilfe ghaa,
Ein zwor en Dubel, ein cha gaa,
Doch kein so stuure Dönni-Bole:
Wenn tuet ächt däa de Tüfel hole!

Polit-Rock

Sit mini Frau tuet langsam altere,
Politisiert sie und da gfallt ere.
I glaub, i där' Emanzerolle
Wird sie mol de Tüfel hole!

Retortebabies mached mi schüüch,
S'isch schad um schöni alti Brüüch!
Als Maa seisch doch denn no-n-emole:
Das isch doch zom de Tüfel hole!

Tüfels-Splitter

De Trueniger, das liebe Beggli,
Verkauft noch Ladeschluss no Weggli;
Doo tuet en eine rächt versole,
Das isch scho zom de Tüfel hole!

Tüfel

Tüfels-Vercher

Mir hend en neue-n-Öko-Buss
Nu hät dä alles Öl scho duss.
Da isch doch schad um soviel Chole.
Die Grüne söll de Tüfel hole!

De Staufer Kurt mit bestem Wille
Chasch jetzt nümme liecht go kille;
E Barrikade schützt dä Bolle
Bis en tuet de Tüfel hole!

Vertüflet

Doo hät ein wieder emol e Buess,
Är weiss nöd, wie me fahre mues.
Jetzt hoff i nu no für de Bolt,
Dass ihn nöd no de Tüfel holt!

Zum Rudl Grueber siner Stäge
Mue-n-ii halt au no öppis säge.
Wär die no flickt, isch sicher volle;
Debii sött sie de Tüfel hole!

En Bischof hät emol probiert,
Do hät's dä Vogel scho kapiert.
Jetzt isch är Vatter – ganz verstole –
Tuet dä ächt au de Tüfel hole!

De Zehnder – vor är no tuet züggle,
Will schnäll no d'Architektin büggle!
D'Putzeri seit's de Frau verstole,
Das isch scho zom de Tüfel hole!

Em Rolf, dem macht's kei Freud bim liebi triebä,
Will beidi s'Pult nöd hend zum schribä.
Jetzt darf de Brändli wiitermache
Und drum mues au de Tüfel lache!

S' Tüflisch End

Jetzt isch die Bulle scho verbii
Wyl isch das Johr fascht z'brave gsii
Und uf die tüflisch-bösi Bulle
Hend drum gadwenigi e Wulle.
Doch dene säg i – und s'isch richtig!
Nu wär do inne stoot, isch wichtig!
Ihr hend au gsee mit dem Gedicht:
Die Katze lässt das Mäusen nicht!
Und s'nöchtscht Johr chönd Ihr Eu scho freue,
Denn macht die Bulle halt en Neue!

Drum mached au e bitzli Krach;
I d'Bulle z'choo isch Ehresach!
Und no meh Ehr gebührt nu dene,
Wo s'tüend als Nörgeli verbrenne!

Und immer wird sie usegeh
sit Johre vo de FGW.

Herold: Edwin Grob



DRUCKEREI
EGLI STRASSMANN & CO
TOGGENBURGERSTR. 5
9532 RICKENBACH
TEL. 073 23 62 33
FAX 073 23 13 47

